

Ejam de ladin per nsenianc

Per ruvé tla graduatories de nsenianc tla scoles ladines muessen avèi fat n ejam de ladin aposta. L proscimo ejam per nsenianc sarà chësta ann ai 20 de merz, n possa se lascé nuté su nchin al plu tert n mierculdi ai 30 de jené

Scola - La dumandes per fé l ejam de ladin per nsenianc de scola y scolina muessa uni fates pra la Ntendënz ladina a Bulsan. L formuler aposta ie da giapé tla direziions de scola y scolina o sun la plata web www.provincia.bz.it/ntendenza-ladina

L ejam vën damandà te na pert scritta y a usc. Tla pert scritta iel da fé na traduzion dal talian o dal tudësch, aldò dla ulentà di candidac. N cunlaurazion cun l Istitut Ladin

Micurà de Rù vëniel pità cursc de preparazion tl idiom de Gherdëina y dla Val Badia. L cursc de preparazion te Sëlva vën teni da Marco Forni y chël a San Martin de Tor da Werner Pescosta. Tramedoi cursc scumëncia ai 4 de fauré y vën for tenii dala cater domesdi ala sies da sëira. La dates di cursc de preparazion te Sëlva y a S. Martin ie ai 04, 06, 13, 18, 20, 25 y 27 de fauré 2013. *(Ufize stampa provinziel de Südtirol)*



Per nsenië tla scola ladina uelel vester n ejam de ladin.